



Broj: A- /2019
Brčko, 11.10.2019.godine

SAOPĆENJE ZA JAVNOST

Akcija „CER“ // Određen pritvor osumnjičenom Z.M. (31) koji se nalazio u bjekstvu Potvrđena rješenja o određivanju pritvora organizatoru grupe D.Š. i njegovim saradnicima

Postupajući po prijedlogu Tužilaštva Brčko distrikta Osnovni sud u Brčkom odredio je jednomjesečni pritvor Z.M. (31) zbog sumnje da je u organiziranoj grupi, otkrivenoj u akciji CER, vršio nezakonitu nabavku i prodaju opojnih droga. Hapšenje Z.M. izvršeno je u utorak, 8. oktobra, poslije 15-odnevnog bjekstva, usljed čega se ukupan broj pritvorenih lica nakon ove akcije povećao na sedam. U međuvremenu je, naime, konačno potvrđena i odluka o određivanju pritvora organizatoru grupe D.Š. (30) i njegovim saradnicima.

Podsjetimo, nakon što su otkriveni i primjenom posebnih istražnih radnji nadzirani od mjeseca februara, veći broj osumnjičenih za nezakonitu nabavku i prodaju opojnih droga lišen je slobode 24. septembra u okviru policijske akcije kodnog naziva CER. Za šestoro njih Tužilaštvo Distrikta je odmah nakon ispitivanja predložilo određivanje pritvora usljed opasnosti od bjekstva, ponavljanja krivičnog djela i zbog mogućnosti uticaja na svjedoke, saučesnike i prikrivače, a jednako je postupilo i u slučaju Z.M. nakon njegovog hapšenja. Njemu je po ovom prijedlogu rješenjem Osnovnog suda Distrikta izrečena mjera pritvora u trajanju od mjesec dana.

S druge strane, pritvor u istovjetnom trajanju konačno je određen i prema D.Š. (30), kao organizatoru jedne od grupa, te njenim članovima N.H. (25) i A.B. (25) budući da su žalbe, podnesene u njihovo ime zbog navodnih povreda prava na odbranu u pritvorskom postupku, odbijene. Inače, u pritvoru se od ranije nalaze i B.F. (52), D.M. (24) i M.I. (24), pa se broj lica pritvorenih nakon sprovedene akcije CER, a usljed nedavnih proceduralnih radnji u pravosuđu Distrikta, povećao na sedam.

Tužilaštvo, u saradnji s Policijom Distrikta, nastavlja intenzivnu istragu ovom predmetu protiv dvadeset troje lica, te više organiziranih grupa. Istraga se sprovodi zbog osnova sumnje da su se, od sredine prošle godine, na području Distrikta i susjednih općina, bavili nezakonitom nabavkom marihuane i amfetamina i njihovom prodaju većem broju lica. Značajne količine ovih opojnih droga pronađene su prošlog mjeseca tokom pretresa osumnjičenih, objekata i vozila koje koriste, zajedno sa sredstvima za precizno vaganje i pakovanje, novcem od prodaje i automatskim oružjem.

*Preduzimanje radnji krivičnog gonjenja prema određenoj osobi ne znači da je ta osoba zaista i odgovorna za počinjenje krivičnog djela. Prema principu presumpcije nevinosti, svako se smatra nevinim za krivično djelo dok se pravosnažnom presudom ne utvrdi njegova krivica

GLAVNI TUŽILAC

ZEKERIJA MUJKANović